

文粹卷第九十六

序已籍記附 摠十七首

吳興姚

鉉

纂

歌詩

小洞庭五太守讌籍

蘇源明

秋夜小洞庭離讌序

蘇源明

刻蘇公太守二文記

今孤楚

瑯琊溪述序

獨孤及

從郎官湖詩序

李白

裴胄先宅讌集賦詩序

獨孤及

冬夜讌蕭十文詩序

息夫牧

遊大林寺序

白居易

石鼎聯句詩序

韓愈

翫月詩序

歐陽詹

送陸欽州序

韓愈

送劉太真詩序

蕭穎士

送李愿歸盤谷序

韓愈

送疏言禪師太原取經詩序

李篤

送小雞山樵人序

陸龜蒙

雲母泉詩序

李華

贈嵩山焦鍊師詩序

李白

小洞庭五太守讌籍

蘇源明

天寶十二載七月辛丑東平太守扶風蘇源明饒陽太守清河崔公季

重魯郡太守隴西李公蘭濟南太守太原田公琦濟陽太守隴西李公俊

于回源亭既尊封壤乃密惠好前此濟陽以河堤之虞夫役之弊請

南略我宿及魯之中都宿人訟其不便源明請廢濟陽以平陰長清屬

濟南盧東阿歸我陽穀隸濮陽役均三邦利倍二邑不可則分我壽西入

濮陽東入濟陽魯之中都北入于我書員閭闔官下陳留陳留太守王公

盛德帝俞美才人與自摠連率實惟澄清命屬官湖城主簿王子說會

五太守于東平議縣乃不割郡亦仍舊已事修讌姑以爲別若夫階抱

孤嶠軒飛凌潭阻殘暑於重林速高秋於絕壑其盤何有臚鹿腴羊其

組何有燔兔膾鮐李下彫籠冰之以寒水瓜剖鉚刃巾之以疎絃禮交乎

上當世高賢之相充樂動乎止則古中和之合作抑抑焉堂堂焉奚人之富有而

群后之緝熙也司士庀舟以待司功設以告徹饌更服陳羞絮簞自

回源起廣泊左拂蠶尾右遺吾山倒屹岫於波際指梁岑於林缺移搖

敞豁暝眇虛曠太睥苗裔可記任宿伯禹山川空流濟汶所遇多感祗

牢爲歡婢態目成以留客嫫容色授以勸酒繁絲疎管紛爾自會雅舞

清唱倏然同引既醉源明以手版扣舷而歌曰小洞庭兮字方舟風嫺嫺

兮離平流字方舟兮小洞庭雲微微兮連絕經仍瀾壯兮緬以沒重巖

轉兮超以忽馮夷娒兮護輕撓蛟龍仔兮落增潮泊中湖兮瞻而閑並